

15.11.2021

UKA2021/171

**Savalimmiuni, Kalaallit Nunaanni Islandimilu Naalakkersuisut issittumi suliassaqarfiit pillugit suleqatigiinnissamik Nunat Avannarliit Killiit Siunnersuisoqatigiiffiannit kaammattorneqarput – tassani Naalakkersuisut issittoq pillugu akisussaaffillit, ikinnerpaamik ukiumut ataasiarlutik naapittassallutik – tamatumani:**

- **Nunat Avannarliit Killiit Issittumi soqutigisaannik nukittorsaallutillu ataqatigiissaarisassasut**
- **Issittumi allanngoriartortoqarneranut atatillugu atlantikap avannaata isiginiarneqarnissaa sulissutigissagaat**
- **Issittumi allanngoriartornermut atatillugu nunani avannarlerni killerni imaani, pinngortitami, kiisalu piujuaannartitsinermik sulissutiginnissasut**
- **Nunat Avannarliit paasissutissiisarlutik – matumani aamma Nunat Avannarliit Siunnersuisoqatigiiffianni Issittumi suliassaqarfiit pillugit suleqatigiissitamut – Issittumi suliassaqarfiit kiisalu Issittoq pillugu Siunnersuisoqatigiit eqqarsaatigalugit nunat avannarliit killiit naalakkersuisuisa kissaataannut tunngatillugu.**

(Aallartitat siulittaasuat Pipaluk Lynge-Rasmussen)

Nunat Avannarliit Killiit siunnersuisoqatigiivisa siunnersuutaat nunatsinni aallartitat sinnerlugit Pipaluk Lynge-Rasmussen-ip siunnersuut saqqummiimmagu Siumumiik qutsavigaarput.

Siunnersuummi anguniarneqartoq tassaavoq, nunat avannarliit killerni nunanut allanut naalakkersuisut ukiumut ataasiarlutik naapittarnissaat. Siunertaralugu nunat taakku issittunut soqutigisaasa ataqatigiissarnissaat aammalu issittup ukkatarineqarnerulernissaa.

Siumumiittaaq isumaqarpugut issittoq pillugu nunani avannarlerni killernilu suleqatigiinneq nukittorsartuartaqarippit, sillimaniarneq eqqarsaatigalugu, silap pissusaata allanngoriartornera pillugu, inuussutissarsiornermut tunngatillugu allarpassuarnullu iliuusissanik suleqatigiinnissamut.

Siumumi siuttuungallarnitsinni pingaartittuarparput issittumi oqartussaaqataanitta annertusartuarnissaa aamma suli pingaartipparput nunat qanigisatta issittoq pillugu suleqatigilluarnissaat. Taamaattoq ukioq manna september qaammat naalakkersuinikkut isumaqatigiissut Joint Declaration tunngavigalugu Naalakkersuisut siunnersuummut itigartitsinerat Siumumiik tusaatissatut tiguarput.

Doris J. Jensen, Siumut